

85
weisse brust / ein ander muß dich
wecken / Vnd Jagen frey / mit
Hundts geschrey / das du nicht
magst entrinnen / Halt dich in hut /
Brauns Meydlein gut / mit leyd
scheyd ich von hinne.

Ein ander Lied.

SOrt ferne vor jenem Walde /
sah ich mir ein hirschlein stan /
es thet sich bedenccken balde /
ob es sein narung möcht han / Es
gieng wol vber ein prücken / ob es
im möcht gelücken / ob es möcht
finden sein speiß / sucht das Hirsch
lein mit ganzen fleiß.

Was begenet ihm auff dem
wege / ein Fälclein ganz wolge-
than / Wol vor dem selben steige /

A ij

trat

21a

trat es vor im hindan / Es thet im
gantz wol gefallen / du schöne mit
reichem schalle / Gott grüß dich
Fälcklein rein / ey wie stehest du hie
allein.

Ein Fälcklein außerkoren / ich
bitt vergiß nicht mein / mein dienst
hab ich dir geschworen / ich bin
gantz eygen dein / Mit dir hab ich
zuschaffen / vmb nichte wil ich dich
straffen / Ich wil dir zu aller zeyt /
mit dienste sein bereit.

Der Jäger mit sein Hunden /
wo die allein nicht weren / wol vor
des klaffers munde / wer gar kein
werck zu schwere / zu dir da wolt
ich kommen / du schöne du zarte
du fromme ich wil dir thun nach
aller ehr / was dein Junges hertz
begert.

Ich

Ich bitt dich fleißiglichen/
meiner ein innigkeit / Du wölft die
tugentleiche / bewaren ein lange
zeyt/ In züchten vnd in ehren/das
sie mir nicht werd verseeret/Dar
bey sey mein vnd dein gedacht/al
dezu guter nacht.

Die Junckfraw stundt an der
zinnen/sie sach zum Fenster auß/
In rechter liebe vnd trewe/warff
sie ein Krentzlein rauf/Von Feiel
vnd auch von Rosen / von Feiel
vnd grünem Klee / Von hertzen
liebe scheiden / scheiden das thut
wehe.

Ein ander Lied.

Ein seins lieb ist mir hinweck
geflogen / auff einen grünen
A ij zweige/

zweyge/ Wer wil mir die Winter
lange nacht / mein zeit vnd weil
vertreiben.

Mein feins lieb hieß mich ni-
der sitzen/ an ihre schmale seyten/
sie sach mich vber die achsel an/ sie
meint mein gelt im beuttel.

Dieweil ich gelt im beuttel het/
da wardt ich werdt gehalten/ Da
ich kein Heller noch Pfennung mer
het/ hat sich die lieb zerspalten.

Mein feins lieb hat mir ein
Brieff geschickt / darinn da steht
geschrieben / Sie hab ein andern
vil lieber denn mich / sie hab sich
mein verzigen.

Das sie sich mein verzigen
hat / darumb trawer ich nicht se-
hre / Laß reyten laß faren was
nicht bleyben wil / Der schönen
Frewlein

Frewlein findt man mehre:
 Vnd der vns dises Liedlein
 sang / von newem hat gesungen/
 Das haben gethan zween schlem-
 mer gut / ein alter vnd ein Junger.

Gedruckt zu Nürnberg / durch
 Valentin Neuber.



Handwritten text, likely bleed-through from the reverse side of the page. The text is mirrored and difficult to decipher due to fading and bleed-through.

Handwritten text, likely bleed-through from the reverse side of the page. The text is mirrored and difficult to decipher due to fading and bleed-through.

